

علوم اقتصادیه و اجتماعیہ مجموعہ علامہ لکڑی

ہر ایک برنجی کوئی نشر اولیہ

مؤسسری

احمد شعیب ، رضا توفیق ، محمد ہاریر

مندرجات

تجارت شرکتلری . — روسیہ : احمد شعیب .
فرانسہ اختلال کبیری : احمد شعیب

مدیر وصاحب امتیازی :

محمد ہاریر

نسخہ سی : ۱۰ غروش

استانبول

امور ادارہ و تحریر یہ : طنین مطبعہ سی .

۱۳۲۶

روسیه

تبعات محیطه و معشریه

- مایه دو ختام -

بوتون مملکتلرده اولدینی کبی روسیه دهده ارتکابک اک بویوک سببی
مأمورین معاشک آزالغیدر . معاش او درجه ده آزد رکه صانکه صورت
غیر مشروعه ده استفاده ایتمک ایچین بر ماعدۀ رسیمیه بی متضمن کیدر .
بناء علیه خدمات مختلفه نك نوع و اهمیته کوره آتیه حق رشوتک مقداری
معیندر . و بونوع سرق آرتق روسلرک طبیعت نایه سی اولشدیر . خلق
رشوتی یک طبیعی برشی کوردیکی کبی محاکمه مرز تشریه قارشی غایت
مرحمتکارانه حرکت ایدبور . بویوک سالونلرده ناصل زنکین اولدینی معلوم
اولان خرسزله ، حقارتله دکل حرمت و تعظیم ایله معامله اولونیور . رشوت .
بالخاصه مالیه وعدیه ده حکمراندر . مؤسسات اعتباریه ، قومانیه لر ،
امتيازات ، سیه کولاسیون دها مشوش ، دها کیزلی ، دها متنوع ارتکابات
یوللر آچشدیر . عادی خرسزلق یرینه دها مغفل و ایجه اشکال آتیده
یاییلان بو خرسزلق البته دها مملکتدر . مملکتک ترقیات اقتصادی سی
صورت غیر مشروعه ده پاره قازانق ایچین شمعی به قدر یوزلرله وساط
احضار ایتشدیر . اعتبار جدید طور اقدن او قیدن منابع جدید ثروت
فیشقر تمشدیر که برکت ویرسین بولانیق صولری هنر کبه مونس دکلدر .
بونوع ارتکاباتک حر مملکتلرده نه کبی رزالتلره باعث اولدینی دوشونولورسه
هر درلو مراقبه دن محروم براداره م تبده ده کی سؤ استعمالانی نه درجه به
وازه جغنی آرتق تصور ایتملی در .

آچ و جبلاق عسکرک اضطر باتی ، بر جوق اعظم مأمورینی و متعهدلری
زنکین یامشدیر . زنکیلره قارشی شکایت آیامک حکومت مرکزیه طرفندن

بر عسبان، برخیا نك كې تلقي ايدیلیر . خرسز لنگ ته یوقارده ونه ده آشاغیده
بر محدودی یوقدر؛ اُك بویو كندن اُك كو چوكنه كلنجیه قدر بوتون مأمورین
وسائط غیر مشروعه ایله باره قازانقی املنده در . ولایات اقلامی كې
سرایك قابولرخیده روبله آچور . عفت و ناموس بر استدار . بر حکمدار
تک باشنه برشی یاپاماز . اوباشته لرینك آللری و كوزلرله اداره حكومت
ایده بیلیر . سرای و اعظم مأمورین ایسه سؤ استعمالك محافظه سنده
منفعتدار در .

خرسز لنگ باشنه بر سیدی ده مأمورین دولتده مسؤلیت قانونیه اولماسی در .
بر کره قانون جزا ده سرقت اموال امیری و دشت حقه ده کی ماده لر تطبیق
ایدیلور . بوندن مانعدا مأمورین ، محاکم اداره یه تابع اولوب تحت محاکمه یه
آلنه بیللمه لریده آمر لرینك موانقته وابسته در . مواجهه قانونده مساوات
قاعده سی هیأت قلمیه یه تاس ایتور . هر کس مأمورینی دوغریدن دوغری یه
تعقیب ایدمز . کویابو حكومتك نفوذینی قیرار مش . حال بوکه عكس قضیه کس
نفوذینه ده زیاده خا در . چونکه شمعی ملتك حكومت مأمور لرینك
عفته هیچ اعتمادی یوق کیدر . امنیت و اعتماد ایشیق بحر ملرك شكومیتی ایله
عودت ایدمیر . حاصلی پاتانی محاکم شومیه نك آلدن قورتاران حكومت
قرطاسیه مملكتك حكمدار حقیقی در . ایمر اطورك آلنده برشی یوقدر .
چارك حدت و شدتی شو ویابو اعتضایه دوتونا بیلیر ؛ یوقسه بوتون هیاته
برضربه ایندیره مز . آلت اوئی قولانان الدن دشا قوتلی در . حکمدارك
حسن نیتی اقلامك سوء نیتی و عطائی اوکنده محكوم عقامتدر ، روس
استبدادی قوجه ایمر اطورلنی مغسود الاخلاق بر اداره قلمیه نك آلنه
براقشدر . و بو اداره ایسه ملته حكمدارك منقشه منافع ذاتیه سی ترجیح
ایدیلور .

چیتك معاونت حقیقیه سی اولماز سه حکمداران سوء استعمالته
قارش برشی یاپارلر . مثلاً روسیه ده بوکا مانع اولقی ایچین انواع وسائط

تفتیشیه ترتیب ، بی تنهایه اشکال و مراسم وضع ایدلدی . هیچ بر مملکتده نظارت و تفتیش روسیه قدر ایلری کورتوروله مشدر . هیچ بر دولت مأمورترین قارشی اودرجه عدم امنیت اظهار و خطالینه مقابلده اوقدر تأمینات آلامشدر . مع مافیه بوتون بوتداییر احتیاطیه عقیم قالمشدر . چونکه بوخسته تقدن علاج بکله مک قیلندندر . نتیجهده ما کته اداره دها زیاده قاریشمش و دها آغیرلشمشدر . بوتداییرک اک باشلی قاندهسی (!) مخابرانک فوق العاده تکثر ایتمهسی در . دوائر مختلفه بینده دائمی بر تناطی اوراق ، طرق حدیدیه و الکتریک سایه سنده مصالح عمومیه دولت کیتدکجه نظارتلرک اقلاننده طویلانیور . مأمورین بحایه واسطه تبلیغ و تبلیغ اولوب هر درلر فکر و تشبندن محروم ، برقرار اتحادینه غیر مقتدر کیمسه لردن عبارتدر . روس ادارهسی صوکی کلهین بر زنجیره بکزر . امور حکومت بر طرز میخانیکده قلمدن قلمه ، منافع مملکتک ضررینه اینوب حقیقورلر . محررات رسمیه نک کثرتی بالطبع مأمورینکده تزايد مقدارینی موجب اولویور . بوندن دولایده معاشرلی غایت آذر . بوندن دولایده مأمورین ثروت عمومیه و خصوصیه نک ضررینه یاشایورلر .

مشوشت اداره نک بر نتیجهسی ده نظامات دولته عدم رعایتدر . مثلاً بر دیوارک ، بر آوک تعمیری بر حقوق مراسم رسمیه متوقفدر . اگر بو مراسمه تماماً رعایت اولونسه دیوار بیقیه جق و چاقی ده چوکه جکدر . بناء علیه تطبیقاده بالکتر اشکال خارجیه رعایت اولونیور . هر شی کورمک ، هر شی تعین ایتمک ادعاسنده بولونان نظامات اداره اوقدر چوقدرکه اونلره اک مستقیم بر مأمور بیله رعایت ایده میور . وبوصورتیه هر صنف مأمورین لایستقاع اوامر قانونیه دن اوزاقلاشدخه قانونه قارشی بسله نیلیمهسی لازم کن جس حرمت و رعایتی ده یاواش یاواش غائب ایدیورلر . واضع قانونک بوتون تداییر احتیاطیهسی عکس قشیه خدمت ایلور .

هیچ کیسه مأمورینه ، قانونه اطاعت ایتور . اوله ظن اولونیورکه آلتون بوتون قابولری آجان براناختاردر .

بر حکومت مستبدده پولیس فوق العاده حائر اهمیتدر . وما کنه اداره نك اُك اساسی بر پارچه سی در . مجلس میعوثان و مطبوعات اولمایان مملکتدرده سوء استعمالاتی بیلدر دجك انحق پولیسدر . تفتیش و مؤاخذم پولیس معرفتیه خفیا جریان ایدجك در . ضابطه ، دول مستبدده بر مضاعف رول اوینامایه مجبوردر . هم ملتی حمده مأمورینی تحت نظارتده طوتمق وظیفه سیله مکفدر . ایسته بومهم وظائفه رغماً روسیده ضابطه تشکیلاتی ده پك نقصاندر . مثلاً پولیسرك اکثریسی دوغرو بر صورتده اسملرینی بیله یازمنه مقتدر دکلدر . تطبیق ایدجکلری قوانین و نظاماتك تماماً جاهلی اولوب اخلاقلری ده پك قیادر . روس ضابطه سنك تسبب و کفایتسزلکی اسبابندن بری ده کندیسه تودیع ایدیلن وظائفك کثرتدر . امنیت و صحت عمومییه متعلق وظائف اصلیه لرینی بوندن دولای او نو تیورلر . اختلاله قارشی مبارزه روس پولیسنی وظائف اصلیه سنی ایفادن منع ایدیور . جمعیات خفیه یی تحری ایچین میدانی جانیلرده ، سارقلره سربست بر اقیور .

اهالی روسیده پولیسك ارتکابندن ، ظلمندن پك زیاده مضطر بدر . ضابطه نك یابدینی مظالم تصورك چوق فوقنده در . اوتوقراتیک بردولتده مملکت بعضاً ضابطه سزاقندن زیاده پولیسدن فئالق کورور . روس ضابطه سیاسی اوقدر حیات بشر ییچمش ، اوقدر موجودیتلر آزمشدر که بونی اسپانیا انکیزیسپونی بیله یانماشدر . دنیاده روسیا نك ضابطه سیاسی قدر خفیع ، دهشت انکیز برشی یوقد زینه بیلیر . هر صنفدن ، هر جنسندن ، هر باشند اولان قوربانلرینك مقداری لایعدر . پولیسك بوئون امور دولت ، بوتون اشخاص اوزرنده بر حق تفتیشی واردر . کیفه کوره هر کی در دست ایدر ، حبس ونفی ایده بیلیر . ضابطه خفیه عدلیه و محاکمندن

مستقل اولوب ایمپراطوردن باشقهنه حساب ویرمکه مجبور دکلدرد. ضابطهنک بو امتیاذاتی قالدیرلدیغی کون بی شبهه روسیهده بر انقلاب حقیقی وقوعه کلش اوله جق در. بو، محاکم نظامیه مواجهه سنده اوتوقراسینک بر نوع ترک حاکمیتی مقامنه کچه جکدر. دینه بیلیرکه روس باستیلی هنوز یقلمامشدر؛ آناختارلریغی محافظه آلهین آل اقتدار مطلق غائب ایتدیکی وقت آرتق باستیللا قاپولری بر دها آچیلیمیه جق در:

پولیس هر کسی، هر شیئی بیلیمکه، اطرافنده نه یاپیلوب، نه سویانوب نهلر دوشونولدیکندن خبردار اولمغه مجبوردر. بویوک مأمورلر قوانینه توفیقاً یایامادقلری شیلری پولیس واسطه سیله یاپدیررلر. مثلا سئودکلری بر قادیی آلق ایچین قوجه سنی نفی ایتدیرمک اونلر ایچین بر هیچدر. دیگر طرفدن ضابطه سیاسییه روسلرده فکر احترازی تولید و هر درلو روابط اجتماعییه منع ایتمشدر. روسلر قورقورلندن و قتلریغی لقلقیات ایله تولدورورلر. اسلا وطیعتیه عطف اولونان تھائسندن بر قسمی اونلرک فطرتندن زیاده اداره سیاسیله رینه مربوطدر. دکل دوست، اقربا ییتنده بیله بر شی سولیمکه جسارت ایدیه میور. روسیانک سهای سیاسی سنده دائماً آغیر بر بولوط واردرد. بویله بر محیط سیاسی اطفالی یالانچی، مراشی یاییور. توقویل دیرکه: «اداره قدیمه فرانسه نک تربیه اختلائییه سنی یایمشدر.» روسیه ایچین دها دوعرو اوله رق سولنه بیلیرکه پولیس، نیه یلیمک تربیه سنی اتمام ایتمشدر. حاصلی روس ضابطه سی مملکتده بی آمان کینلر تولید آیه مش، بر چوق عالیجناب کیمه لرك حکومتدن نفرت ایتمه لرینه سببت ویرمشدر.

۸

بعض اسلاو مجلری دیورلرکه: «روس قومی طبعاً سیاسی بر قوم دکلدرد؛ چونکه او اداره حکومته اشتراکی ایسته مدیکی کبی بونک لزومی ده حس ایتیمور. کندیسنی بر حکومت پدرانیه اداره سی آلتنده دها سربست

کورویور. « بو سوزده کوبلور ایچین بلکه بر جزء حقیقت مندجدر ؛
احتمالک روسلر اسانده « غیر سیاسی » بر نومدر . لاکن بو بر نشانه
طفولیتدن عبارتدر . فقط بوندن بوتون ملتک امال سیاسیه دن محرومیتی
ادعا اولوناماز . و کوبلو ، « دولت بن دیمکدر . « دیه جک قدر بوتون
روسیا دکلدر .

بر دفعه شو تقضای آمین ایدلم : روسیه یی مانکی صنف خلق نامنه
اداره ایدم جکدر . ائک جاهل وعینی زمانده ده ائک آز مشکلیند اولان
صنف ایچیمی ؟ بو . روسیه یی بویوک بر کوی عدایتک و چاری ده کوبلورک
حکمه داری یاتم دیمکدر . حال بوکه بر جمعیت خبیات وانکارندن کندینی
تجربیدایده مز . هیچ بر مملکتده صنف - نوره الی الابد جاهل و قابا کتیه
بشرک اوکنده سرفرو ایلمه مز . بوندن باشقه ملتک منافع حقیقیه سی ده
حقوتک مظفر اولمسانده در .

واتعا روسیه بر ذراعت مملکتی ایسه ده کوبلو پوتیه سنک الی الابد
دوام ایدم جکنی کیم ادعا ایدم بیلیر ؟ بو طرز سیاستک تأمین موقعیتی ایچین
اختلاجلیلره احرازک طویلاندینی شهوری ییتسق ، مکتب اعدادیه و عالیینی
قاپامق ، بالاییق و قاراده کیز لیمانلرینی دوبورمقی ، اوروپا ایله اولان التصاق
خضرینی کسمک و ایتر اخورلنی سدچین کبی غیر قابل مرور بر دیوارله
چه ویرمهک متوقفدر . بویله بر تشبث ایچین ایسه وقت چوتندن کچشددر .
آسکی زمانلره عودت هیچ قابئیدر ؟ دیکر طرندن اشخاص کبی اقوامده ده
عزت نفس پک مهم بر عاملدر . بر مملکت قومشورلندن آشغیده قالمایه
راضی اولماز . حال بوکه روسیه نک معاوتی ایله تشکیل ایدن بوتون بالتان
حکومتک مپی مشروطیتله اداره ایدیلیرکن روسیه ده هنوز اوتوقراسی
حکمرمادر . ایسته روسیه ایچین باعث حجالت اولان شوکو - بویوک مقایسه یی
قالدیرمغه حکومت مقتدر دکلدر . قانون اساسیدن ، حقوق سیاسیه دن محروم
اولان روسیه دول غربیه یه کوره هنوز یکی بر دولت عد ایدیلنور . بحیا

روس قومك قاننده ، دهاسنده ، تاريخنده ، ديتنده ، تشكك اجتماعينده وياخودده . عمق مليسند اقوام سائر خرسنيانيه دن كنديسي تفریق ايدرك حريات سياسي دن استفاده ايمه منه مانع بعض شيلر وارسى ؟ روسيه ايكي عصر دنبري آوروپانك تحت تأثيرنده در . بوقدر اوزون بر تماس نتیجه سنده افكار غريبه دن اونك احتراز ايد بيلمسي غير قابلدر . فقط عيني زمانده روسيه اعتيادات و احتياجاتي ، عنعنات تاريخيه سي ، تربيه مليه سي اعتبار ايدده آوروپانك هنوز حقوق فرقليدر . خلاصه روسيه غربك ادخال ايتديكي جريان حريتك خارجنده دوراماز . لاكن اجينك اجهز سياسي سنده كندينه احيال مال ايدينه مز . ايسته روسيه بويه برقياس مقسم قارشينده در . بو ايكي تهلكگي . قيا ازانندن سفينه دولت ايچين روس قلاغوزلري بر كچيد بولمق ضرورتنده درلر .

غربك فسخه حرتي ايله شتاب و منوف منورده در فوران ايله ين آمان سربسته بيه بر منفذ ، برمر لازمدر . بو منفذ ايسه ملته آنحق حقوق سياسي ، قانون اساسي و برمكه آچيله بيلد . حاصل روسيه حقيق بر پارلمنتو لازمدر ؛ عصر لدنبري رسماً دياسر اولان بو مملكت سربست برحق كلام و برمه لي در . شيمدي يه قدر حكومت و ماموري ي طار فندن اشغال ايديلن واسع صحنه يه و كلای ملتي ده چيقار مق زماني گلشدر . واقعا دينبوركه : « بونك ايچين روسيده هنوز وسائط نقصاندر . بر بنانك آشاغي قاتلري بيتزدن اول يوقاري سي يا بيلاماز . روسلرك تجربه سزلكنه ، جهانته ، عظالته عجا هانكي قانون اساسي موافق كلير . اوتلره شيمديك لازم اولان شي دوغرو چاليشقان بر اداره ، حق شناس و مستقل بر عدالتدر . »

بونوع مطالعاتك اسانده صاف ، طفلانه بر خوليا كيزليدر . اوت روسيده هر شيدن اول آبي بر اداره ، آبي بر عدليه لازمدر . خوليا بونلرك مراقبه سز ، تأميناتسز آلا ده ايديله يله جكنه اينانمقده در . هيات ! شوني

قطعاً بیلیم‌لی که مراقبه و تأمینات اولماینجه اڤ کوزل اصلاحاتدن بر فائده حصوله کله من. بوتأمینات ایسه یالکیز حقوق سیاستده بولونور. انکلیزلرک هابیس قورپوسی نه مدھش مبارزدر نتیجه سنده آلدق لرینی تحطراتمه لیدر. مراقبه سز بر اداره متظمه تشکیلی خویالی اساساً یکی بر شیده دکلدرد. قرآنه ده ده اختلالدن اول بر جوق فینسوفلر، مقتصدلر حقوق سیاستدن زیاده اصلاحات ایسته یورلر و بواسلاحتی مثک اداره حکومته اشتراکنندن دکل، حکمدارک ذکا و اقتدارندن بکلور لریدی. بوفکر افلاطونه قدر کیدر! قرآنه ده ۱۷۸۹ دن مقدم اکثر سیاسیون حریات محلیه و آبی بر اداره اختلاله مانعدر ظننده ایدیلر. اسکیدن بیله تطبیق پک مشکل اولان نظریه آرتق شیمدی بر خویادن عبارتدر. دینیورکه «سرف غووه رنمان» اصولی حریات سیاسیہ ایچین بر مکتب ابتدائی حکمنده در. بو، بر قیاس باطلدر. چونکه حریات محلیه حریات سیاسیہ سز تام اولاماز، بونلر یکدیگرینه پک زیاده مربوطدر. بر نقطه قبول ایدیلن حق مراقبه نتیجه ده هر طرفه سرایت ایدر. فکر حریت اوغازلره بکزرکه قاپالی بر وازو ایچنده بیله طومتق قابل دکلدرد. طبعاً صوک درجه ده طیار اولدنیقندن قاپالی ظن ایدیلن قانونلردن ده اوچار کیدر.

روسیه سنه لردنبری حکومت غریبه کبی بر اداره متظمه تأسیسه چالیشدینی حالده موفق بوله مامشدر. زیرا بو حقوق سیاسیہ سز یا بیلاماز. یالکیز اصلاحات اداره یی نظر دفته آلان روسلرک حالی رقاصسز ساعتی دوغرو یورومتک ایسته ملزینه بکزر. شکل حکومت ده کیشمه نیجه جدی برشی بکله نیله من. بعض محررلرده: «ملته برحق کلام، بر پارلمنتو و برمک ایچین اوملت متجانس اولمالی فکر نده درلر. روسیه ایسه عروق مختلفه دن مرکبدر؛ بویله دولترده آنجق اداره مستبده ایله حق بقالرینی تأمین ایده بیلیرلر. هر درلو قانون اساسی تجربیه سی امپراطورلرک داغیلما سته خدمت ایدر. روسیا مبنای عظیم اجتماعی و اداریسک بوتون اقسامی

طوتان بوتون طاشلرینی یکدیگرینه ربط ایدن اوتوقراسینک دهمیم
 پنجهسی در . بنانک اوستدن بو پنجه قالقنجه هان ییقیلجینی طبعی در .
 ایسته تبواعراض غایت جدیدر . ایمراطورلنک وسعی غنات مختلفهسی ،
 اهالیسنک تنوعی بی شبهه هر براداره نك تأسیسه اُک باشلی موانعدن بریدر .
 روس انبارت سیاسی فتوحات عسکرینه سنک بر نتیجهسی در . هان دائماً
 ملل فاتحه قومشورلینک اسارتی ایله برلنکده کندنی حریتلرینکده بر
 قسمی غائب ایتشلردر . ایسته بونقطه دن مثلاً لهستان چکدیکي اضطراباتک
 فناغنی کنیش بر مقیاسده روسیه یه اعاده ایلیمشدر . فقط عجا روسیه
 بوینده طاشدیغی بو آغیر زنجیردن دولایی حریت سیاهدن قطعاً فراغت
 ایتیمیمی ؟ خایر ! اوستریا - مجارستانده عروق مختلفه موجود . هم
 اوراده تمیل اوله رق بر ملت حاکمه یوق کی . روسیه دده مختاریت واتحاد
 طرفدارانی آرسنده البته مدعش مجادله لر ، مبارزله ر وقوعه کله جک .
 بونوع غوغالر بویوک ایمراطورقلرینک برفدیة نجاتی حکمنده دن . بو
 مبارزاتدن قورتولمق ایچین روسیه حال ابتدائینه ، اُک آسکی حدودلرینه
 رجعت ایتملی در . باشقه چاره یوقدر . اکر روسیه تحت اطاعته آلدینی
 اقوام مختلفه نك غنسات تاریخیله لرینی ، طبعیلرینی نظر دتنی اویکسنده
 بولوندورسه طریق حریت کندیسه آچقدردر . مثلاً بونک ایچین بعضی رلره
 مختاریت محایه ویرمک ویاخودده کنیش بر توسیع مآذونیت اساسی تطبیق
 ایتمک اُک امین وسائطدندر .

روسیه یه حقوق مشروطیت ویرلمه نه اعتراض ایدنلر دییورلرکه :
 « هایدی عرق ، مذهب ، غنسات و تمایلات ملیه کی فروق ایسیاسیه
 مختاریت محلیه ایله حل ایدیلسون . حالبوکه بالذات زو سیده تربیه ،
 تمایلات ، احتیاجات نقطه سندن ایکی مختلف روسیه موجوددر ، اولنری عینی
 اداره الله قویمق ، عینی حریاتی ویرمک جتتدر . بر قانون اساسی ایله
 بوتمایلات مختلفه بی نمون ایتمک قابل دکلدر . اویله بر ترتیب سیاسی واجتماعی

بایلاجق که عینی زمانده بوا یکی خد منت ، یکی واسکی روسلر ممنون
قاله جقلم . لاکن عیجا بریسی ضروری اولان برشی دیگرى طرفندن
بی لزوم کی تلقی ایدلیه جقمیدر ؟ بریسه موائق کلن اوتنه کنه مضر
اولیه جقمیدر ؟ »

هر مملکتده اُک مهم نقطه اداره حکومته اشتراک ایچین ملتک اثبات
رشد ایتدیکی ساعتی قاجیر مامق در . فقط بوزمانی روسیه حقنده کیم تعیین
ایده جکی ده بر مسأله در . دشوف عالیه ومنوره سنه لردنبری حقوق سیاسیه
احتیاجی ایچنده یا تمقده ایکن جاعل ، وسفیل کتله ناس بویله براحتیاجه
قارشی تماماً بیکانه در . اساساً هر یرده حریت سیاسیه ملتک بر قسیمی ایچین
پک یابوق دیگر بر قسیمی ایچین ده پک کیچ کلش اوله جق در . بوا یکی جهنتک
اورتاسی یوقدر . عیجا ناصل بر میخانیزمه ایله آشای صنفک قابا وجاعل
تمایلات طبعیه سنه قابوی آتقیزین منبئه بالانک احتیاجاتنه بر منفذ کشاد
ایتمیلدر ؟

حریات سیاسیه نك اعطاسندن متولد بوتون مشکلاتک ایشه اک جدیدی
بودر . فقط بو روسیه یه خاص برشی دکل وقتیه بوتون دول غربیه ده
عینی مشکلاتک مواجهه سنده بولوندیلمر . بونک ایچین ده هر مملکتده حقوق
جدیده نك تطبیق واجراسی خصوصنه اهالی نك اک منور قسیمی دعوت
اولونه رق آغیر آغیر ایلمی کیتک اوزره ایشه باشلاندی . انتخاب
ویرکیس نك سبب تاریخیسی ایشه بودر . اکر بوتون بر ملتک مسائل مالیه ،
اقتصادیه واداردنی آکلایوب مباحثه ایدوبیله جک بر حاله کلینی بکله مک
لازم کلیرسه بوک عصر لر جه مدت دهانتظار ایتمه لی در . مسأله نك حلی نفوذ
واقدار سیاسینک بر صورت عادلانه ده توزیعنه وابسته در . روسیه ده
مشکلاتی ترید ایدن دیگر برشی ده صنف متوسطک مفقودیتی در . اُسکیدن
انکلتزه حریته آنجق کنیدیسی لایقدر ظنده ایدی . بوطنی ملل سائر
بارلاق امثله ایله تکذیب ایتدیلمر . اوت ، حریت سیاسیه پک نازک بر نباتدر ؛

اوتی عراقلیسه آلیشدر مق قولای دکلدر. مع مافیہ سی و غیرت و ددا بکراق
سایه سنده نتیجه ده آلیشیر .

اقوام مختلفه نك دپسندہ هر شئی بالذات كندی تاریخلرندن چقارمغه
دوغرو برتامیل وارددر. مثلاً بعضیلری تورکیه نك احیاسنی عنفات تاریخیه سیه،
اسلامیتك اقایم اولیه سیه عودتندہ کورورلر. یالکز بوسایه ده مؤساتك
پایدار وفائده بخش اوله جتنی سویلرلر. حال بوکه هر درلو قانون اساسی
تجربیه سی روسیه ایچین غربی تقلیددن باشقه برشی اولیه جتی. بوعتراض ده
بك قیمتیز دکلدر. فقط اقوام لزوم و احتیاجه بناءً اجینك عادات
وقوانینتی کندیلرینه مال ایتمکی بك اعلا بیلرلر. مثلاً بالذات روسیه بوکا
پارلاق بر مثال تشکیل ایدر. اجنیدن نقل اولونان مؤسات مرور زمانله
طوبراغه كوك سالار. یالکز اورایه آلیشقی ایچین طوبراق اوتی قبول
ایتمه لی در؛ بوده زمینك اوله حاضرلنسه متوقفدر. دنیاده انکلتهدن
ماعد مؤساتی تماماً ملی اولان قوم یوق کیدر. شیسدی یه قدر روسیه
اجنبی بی برحقو جیتدن تقلید ایتشددر؛ حریت سیاسیہ بواعصار دیده
اقتباساتك غیر قابل احتراز برغایه طبیعیه سی در. روسیه بو طریق تقلیده
نهایتہ قدر کیمکه محکومدر. اوت، مؤسات احرارانه نی ده عنفات
تاریخیه اوزرینه بنا ایتك چوق آئی در. لاکن روسیه ده یونوع عنفات
یوقدر؛ و قتيله وارسه ده شیسدی قالمشددر. ماضینك خرابه لری ایچنده
اونك نشانه لریخی بولمق چوق مشکلددر. روسیه ده جهالت هر کون بر
پارچه ده ها داغیلوب کیدیور؛ افکار حریت هر کون ده ها فضله نفوذ
ایدیور و بو حال ضیای معارف، ثروت نیکهستی ایله کیندکجه تراید
ایده جك در. بو حاله اداره نك سوء استعمالاتی ده یارديم آیلور .

روسیه ده ملی و محلی بر قانون اساسی تخمیری بولمق کوچدر. بویولده
نه مؤساتی و نه ده عنفات سیاسی اولان مملکتلرده قانون اساسی تخمیری
بولمق قابیلدر؟ مؤسات ارض میلدن چیقمالیدر. کوزل برسوزدر فقط

اولمازسه نه یاییله جق ؟ روسیه بوکون بر مجلس اعیان تشکیل ایده جک
ارنی عناصره بیله مالک دکلدر . بو مجلس روسیه ده زده اولدینی کبی
یا لکز مأمورین ملکیه و عسکرینه نک اعظمندن مرکب اوله بیله جک .
مع مافیله روسیه قانون اساسی تنظیمنده تماماً غربی تقلید ایتمه ملی در . غنغات
ملیه ایله دفعه قطع مناسبت آبی بر نتیجه حاصل ایتمز . واکسزین بوتون
اقدار حکمداری بی فرقه رؤسانک آله ویرمک تهلمکلی بر خولیادر .
معمارلق کبی پولتیقه دهده اک کوزل بنا خارجی داخله توافق ایدن بنادر .
بناء علیه ملتک اداره حکومته اشتراکنی قبول ایتمکه برابر مقام حکمدارینک
امتیازاتی ده طایمالی در .

— ارن کوی : ایلول : ۳۲۶ —

احمد شعیب

